

ՄԱՏԵՆԱԿԱՆ

Начало сношений Эчмиадзинского патриархата престола съ Русскимъ правителствомъ. Историческое изслѣдованіе по неизданнамъ документамъ Г. А. Эзова. Тифлисъ, 1901 г.

Էշմիածնի պատրիարքական Աթոռի գրադրութիւնների սկիզբը ուստաց կառավարութեալ հետ։ Պատմական ճիշտագոտութիւն չիրատարակուած վկս յագրերի հիման վրայ, Կ. Եղեանի։ Թիֆլիս, 1901.

Տոհմային գրականութեան, պատմութեան, լեզուի և կեանքի վերաբերեալ ուսումնասիրութիւններ և հետազոտութիւններ շարունակ լուս են տեսնում օտար լեզուներով, և ստական դոցանից շատերը անլայտութեան մէջ են, մի քանիսների մասին կցկտուր տեղեկութիւն ունինք, իսկ աւելի ևս քիչ մասն է հայերէն թարգմանուած։ Հեռու չգնանք և բազմաթիւ օրինակներից առաջ բերենք մէկը. այս գրքի հեղինակը, որի առթիւ է իմ խօսքը, 1898 թ. լոյս ընծալեց մի պատկառելի աշխատութիւն ընդարձակ պատմական տեսութեամբ «Сношения Петра Великаго съ Армянскими народами» վերնագրով։ Այդ յառաջաբանը մի գեղեցիկ ուսումնասիրութիւն է և արժանի լուրջ սշխատութեան. լուր ատրածուեց, թէ յառաջաբանը թարգմանուում է, որ մի պատուական գործ կը լինէր մեր գրականութեան համար, բայց տարաբաղդաբար մինչև օրս ոչինչ չի երեւում։ Նոյն մեծարգոյ հեղինակը այժմ լոյս է ընծալել մի ուրիշ հետազոտութիւն, որ, երևի, նոյն վիճակին կ'արժանանայ, որին շատ շատերն են արժանացել։ Այս աշխատութիւնը, որի բովանդակութեան հետ ես մտագիլ եմ մանրամասնօրէն ծանօթացնել ընթերցողներին, նուիրուած է այն հարցին, թէ Մալը Աթոռը երբ է

ական իւր գլաւոր լարաբերութիւնները ոռւսաց կառավարութեան հետ։ Կը քի մէջ առաջ են բերուած ուշադրութեան արժանի պատմական նոր տեղեկութիւններ։

Յայտնի է, որ ոռւսաց կառավարութիւնը գեռ Մեծն Պետրոսի ժամանակ գրագրութիւններ է ունենում հայ հոգևորականների հետ Կասպից ծովի ափը ձեռք բերելու նվազագույն և ապա՝ Լարաբաղի մէլիքների առթիւ, սակայն գրագրութիւնները լինում են ոչ թէ ս. Էջմիածնի ծայրագոյն պատրիարքի, այլ Գանձասարի կաթուղիկոսների հետ. իսկ Մայր Աթոռը անմիջական գրագրութիւն է սկսում ոռւսաց կառավարութեան հետ միայն XVIII դարու երկրորդ կիսում, Եկատերինէ II կալիցիուս օրով: 1760 թ. յուլիսի 20-ին առաջին անգամ Յակոբ կաթուղիկոսն է դիմում ոռւսաց թագաւորին և խնդրում՝ «զազգն մեր ողորմելի և զազգն վըրաց հոգալը¹⁾. բայց այդ բարեխօսութիւնը այնպիսի անորոշ և ընդհանուր դարձուածներով և ոճերով է գրուսծ լինում, որ ոչ մի հետևանք չէ ունենում: Անցնում է վեց տարի, և Սիմէօն կաթուղիկոսը գրագրութիւն է սկսում կառավարութեան հետ, բայց աւելի գիտակցաբար է տառում գործը, մանաւանդ որ ունէր և յարմար շարժառիթ: Սիմէօն կաթուղիկոսի օրով Հաշտարիսանիկալի հայերը չէին կամենում ճանաչել Մայր Աթոռի գերիշխանութիւնը, այլ Գանձասարի կաթուղիկոսինը: Այս դէպքը սաստիկ վրդովում է Սիմէօն կաթուղիկոսին, եպիսկոպոսներին ժողովում է և որոշում է Գաւիթ վարդապետին օրհնութեան կոնդակով Պետերը ուղարկել: Այդ կոնդակով նա խնդրում էր հետևեալը. «1) որ կայսերութեան մէջ ապրող ս. Գրիգորի Հայաստանեալց Լուսաւորչի դաւանութեան պատկանողները, ինչպէս մինչև այժմ էին, լետոյ էլ հոգեսոր գործերի վերաբերութեամբ՝ եկեղեցական կարգադրութիւնների և տնօրինութեանց կողմից իւր պատրիարքական աթոռի իշխանութեան ներքոյ լինին: 2) Որ այդ հայերի վրայ նշանակուող արքեպիսկոպոսը նոյն աթոռի ընտրութեամբ լինի, իսկ իրան պատրիարքին անլայտ և ինքնագլուխ

¹⁾ Գիւան Հալոց պատմութեան. Գ. գիրք, էջ 121.

օտար երկրներից եկող եպիսկոպոսների համար մուշքը արդելուի: 3) Որ իրան Բարձրագոյն հրովարտակ պարզեւեն, որպէս զի արդ հրովարտակը մնայ տեղական տաճարում ի լիշտավակ յաւերժական պարզեատրութեան ի լիշտավակ բարեբաստիկ թագաւորութեան»²⁾: Կոնդակի հետ միասին նա ուղարկում է նուէր կալսրուհուն և գահաժամանդին ս. Յոհաննէս Մկրտչի, ս. Հոփփումէ Կոլսի, ս. Գրիգոր Լուսաւորչի մասունքները և Նոյեան տապանից մի կտար:

Նուէրիակ Դաւիթ վարդապետը Պետերբուրգի արքունիքում շատ սիրալիք ընդունելութիւն է գտնում, և կալսրուհին հրամայում է, որ հրովարտակ պատրաստեն և տան նորան տեղ հասցնելու: Արդ հրովարտակում, որ կալսրուհին տուել էր 1768 թ. յուլիսի 30-ին, ասուած է, թէ նախորդների օրինակով «հաւասարաչափ բարեհաճում ենք, ինչպէս այժմեան պատուականագոյն Սիմէօն պատրիարքին, այնպէս և պատրիարքական աթոռութիւններին, նմանապէս իզբաշիներին և կառավարիչներին և համայն պատուական հայ ժողովուրդը մեր կայսերական ողորմութեան և բարեհաճութեան մէջ ունենալ: Նոյնպէս բարեհաճում ենք Մենք, որ լիշեալ Սիմէօն պատրիարքը և պատրիարքական գահի նորա լաջորդները ուուսաց կայսերութեան մէջ գտնուող հայ ազգի և օրէնքի մարդկանց՝ հոգեոր գործերի և եկեղեցական ծէսերի վերաբերութեամբ իրենց տեսչութեան ներքոյ ունենան... և սորա համար, երբ նոքա (Հայերը) կը պահանջն սւղարկել արքեպիսկոպոս կամ ուրիշ աստիճան ունեցուղ նորա, պատրիարքի, գրած վկայականով, առանց արդ վկայականի մեր կայսերութեան մէջ նոքա չեն ընդունուիլ... Սակայն Մենք յուսադրում ենք վերոյիշեալ պատուական Սիմէօն պատրիարքին, պատուական իւզբաշիներին և կառավարիչներին բոլոր հայ ժողովրդի հետ միասին, մանաւանդ Մեր կայսերութեան մէջ եղողներին, Մեր Կայսերական ողորմութեամբ և հովանաւորութեամբ. ընդ սմին իմանալ ենք տալիս, որ Դաւիթ»

²⁾ Արք. Մոհ-ա Ա. Ջ. 111—23, 1780—1801 թ. № 1.

վարդապետի հետ Սիմէօն պատրիարքի Մեզ ուղարկած մասունքները... Մեր առանձին բարեհաճութեամբ ընդունուցան... և լիշեալ Դաւիթ վարդապետը... բերանացի կարող է յուսադրել Համայն պատուական հալ ժողովուրդը Մեր Կալսերական ողորմութեան բարեհաճութեան կողմից, որով և մնամք»:³⁾ Բացի Հրովարտակից Դաւիթ վարդապետը ընծաներ է տանում մեր կաթուղիկոսի Համար: Այս առաջին փորձի յաջողութիւնը շատ խրախուսում, քաջալերում է Սիմէօն կաթուղիկոսին:

Մի քանի տարուց լետոյ, 1773 թ. Սիմէօն կաթուղիկոսը, բարձրագոյն Հրովարտակի Համաձայն, Ռուսաստանի Հայերի Համար եպիսկոպոս է նշանակում իշխանազն Յովսէփ Երկայնաբազուկ-Արդութեանին, որ տակաւին 30 ամեայ երիտասարդ էր: Գալով Պետերբուրգ, սա իւր արտաքին գեղեցկութեամբ, բարեկիրթ վարուեցողութեամբ և նուրբ խելքով գրաւում է ոռու բարձրաստիճան Հոգևորականներին և պետական պաշտօնեաներին: Ունենալով փառասիրութիւն, միևնուն ժամանակ սիրելով և իւր ազգը, նա ջերմ պաշտպան է հանդիսանում Հայ եկեղեցու և ժողովրդեան կարիքների, միաժամանակ օգուտներ տալով և ծառայութիւններ մատուցանելով ոռու տէրութեան, որոնց Համար մի քանի անգամ նա արժանացել էր բարձրագոյն պատիւների, իսկ Պատել I-ը շնորհում է նորան Աննա շքանչանի I տստիճանը և ոռուսաց կալսերութեան իշխանական տիտղոս է պարզեւում, որովհետև մինչեւ ալդ ժամանակ Յովսէփը վրայ իշխան էր:

1780 թ. յուլիսի 26-ին վախճանւում է Սիմէօն կաթուղիկոսը: Մահուան անկողնում, միաբանների հետ խօսելու ժամանակ, նա մատնացոյց է լինում Պուկասի վրայ, որպէս արժանաւոր յաջորդի, որին և օգոստոսի 2-ին կաթուղիկոս են օծում: Ղուկաս կաթուղիկոսի ընտրութիւնը, աւելի ճիշտ ասած, ընտրութեան եղանակը կ. Պոլսի Զաքարիա պատրիարքի կողմից դժուարութիւնների է հանդիսաւում. սա ոչ Բ. Դունից բէրաթ է խընդ-

³⁾ Полное собрание законовъ. Общее положеніе т. XI, № 13139.

քում, ոչ էլ կարգադրութիւն է անում, որ եկեղեցիներում ժամասացութեան ժամանակ, ինչ տեղ պէտք է, անունը յիշատակեն: Թէ Կ. Պօլսի պատրիարքը և թէ Դանձասարի Խորայէլ կաթուղիկոսը ո. Եջմիածնի գահը բարձրանալու ցանկութիւն ունէին: Ղուկաս կաթուղիկոսին սաստիկ վրդովում է Զաքարիա պատրիարքի վարկութիւնը սուրբութիւնն ու Հեղինակութիւնը պաշտելու զգացմունքը: Այդ պատճառով էլ Ղուկաս կաթուղիկոսը 1780 թ. դեկտեմբերի 15-ին գրում է Կ. Պօլսի պատրիարքին, թէ իւր պատրականութիւնն է համարել ընդունել ընտրութիւնը, աչքի առաջ ունենալով կաթուղիկոսական գահի շահերը, և եթէ հրաժարուէր, ծանր և արդարացի մեղադրանքների պիտի ենթարկուէր: Միևնուն ժամանակ Ղուկաս կաթուղիկոսը գրում է նորան, որ եթէ տաճկահայերի կողմից նա, Զաքարիան, ընտրուի, ինքը որպէս մի սոսկ աթեղայ կը հեռանալ: Մինչ գրագրութիւնը շարունակում էր նոցա մէջ, Ղուկասը հրաժարում է կարգադրութիւնները... սակայն համեստ և լուսամիտ ցանկութիւններ էին, վերականգնել իւր աղդը Ռուսաստանի օգնութեամբ, երբ ապա հանգամանքները և դրութիւնը հիմնական լուս կը տան հայ ժողովրդի օգտի և ոչ կորստեան համար նորա հովանաւորութեան դիմելու⁴⁾: Սակայն Կ. Պօլսի հայ հասարակութիւնը, որդիական ակնածութեամբ վերաբերուելով ո. Եջմիածնին, փոխում է պատրիարքին, իսկ սորա յաջորդը, չկամենալով երկառակութիւնը շարունակել, Բ. Դռնից ստանում է բէրաթ և սնօրինում, որ եկեղեցիներում Ղուկաս կաթուղիկոսի անունը

⁴⁾ Արք. Մանաւա Ան. Ճ. 111—23, 1780—1801 թ. № 1.

չիշեն: Միայն 1800 թ. հոկտեմբերին է նա տալիս սովորական անդրանիկ կոնգակը իւր հօտի անունով և մի կոնդակ էլ ուղարկում է Ռուսաստան, որով օրհնում է կալսուհուն և երկիրը:

Դուկաս կաթուղիկոսը, միշտ մտածելով ս. էջմիածնի Աթոռի իրաւունքը պաշտպանելու վրայ և երկիւղ կրելով, որ Գանձառարի Խորակէլ կաթուղիկոսը կարող է իւր իրաւունքները տարածել Ռուսաստանում ապրող հայերի վրայ, առանձին ուշադրութիւն է դարձնում Բարձրագոյն Հրովարտակի (1768 թ.) այն կէտի վրայ, որով արգելում էր ծալրագոյն պատրիարքից վկայաթուղթ չունեցող եպիսկոպոսների մուտքը Ռուսաստան: Այդ նպատակով նա դիմում էր ուր որ և ում որ կարելի էր և խնդրում իշխանութիւն սւնեցողներից, որ հետևեն Բարձրագոյն Հրամանի այդ կէտը կատարելու:

Ռուսաց կառավարութիւնը հովանաւորում էր ոչ միայն իւր սահմաններում ապլոյ հայերին, այլ և մահմեդական երկրներում եղողներին: Այսպէս, 1780 թ. Յովսէփ արքեպիսկոպոսը դիմում է Արտաքին գործոց Կոլեգիալին և խնդրում, որ Ի. Դուռը ուղարկուած ռուսաց նախարարին պատուիրեն «օգնել և պաշտպանել հայոց պատրիարքի կողմից տաճկաց մալրաքաղաքը ուղարկուող հոգևորական կառավարիչներին, երբ կարէք կ'ունենան»: 1781 թ. յունուարի 23-ին Բարձրագոյն Հրաման է գնում Կ. Պոլսի ռուսաց նախարար Ստախևին, որով պատուիրուում է նորան կաթուղիկոսի կողմից Պոլիս եկող հոգևորականներին պաշտպանութիւն ցուց տալ, որպէս քրիստոնէական օրէնքի մարդկանց: Նոյնը կը կնում է և 1798 թ. մարտի 16-ին. Հրամանագիր է ուղարկուում Պոլսի ռուսաց գեսպան Թամարալին միևորն բովանդակութեամբ:

Այդպէս են եղել ռուսաց կառավարութեան լարաբերութիւնները հայերի, հետ ընդհանրապէս և եկեղեցու հետ մասնաւորապէս. Հովանաւորութիւն եղել է ոչ միայն գահի բարձրութիւնից, այլ և պետական բարձրաստիճան գործիչների կողմից, որոնք այս և այն դէպ-

քում ցոյց են տուել իրանց աջակցութիւնը, և այդ պարզ երեսում է Ղուկաս կտթուղիկոսի՝ իշ. Պատեօմկինին, կոմս Ռումենանց կին, կամս Պանինին և ուրիշների՝ գրած նամակներից. Այդ նամակներում հայ եկեղեցու պետք իւր գոհունակութիւնն էր յայտնում հայ ժողովրդեան և պատրիարքական գահին ցոյց տուած հովանաւորութեան, բարեհաճութեան և բարեկամութեան համար, հաւասարապէս և այն աջակցութեան համար, որ ցոյց էին տալիս Յովսէփ արքեպիսկոպոսին:

Քուչուկ-Կայնարջիկի գաշնագրութիւնից յետով Խրիմի խանութիւնը Տաճկաստանից անկախ է ճանաչւում, և ոռւսաց կառավարութիւնը սկսում է միջոցներ գործ դնել Նօվոռոսասիսկիի կողմերը, որ նոր էին ձեռք սերել, մարդաբնակ դարձնել, և այդ նպատակի համար մտադիր էին հայերին և յոյներին գաղթեցնել այդ կողմերը. զանազան արտօնութիւններով և խոստումներով ոռւսաց կառավարութիւնը սկսում է գրուել հայերին: 1778թ. մարտի 9-ին Բարձրագոյն հրամայուած էր իշ. Պատեօմկինին, որ Խրիմից գաղթելու ցանկութիւն յայտնած բոլոր հայերին և վրացիներին «ամենայն փողաքանքով և օժանդակութեամբ ընդունի, ճանապարհին պաշար տալով... որպէս զի այս նոր գաղթականները մեր սահմանները մտնելու օրից ոչ միայն իրանց սնունդի կողմից ամենափոքր կարիք անդամ չունենան, այլ և ըստ ձեր համար զի այս նոր գաղթականները մեր սահմանները մտնելու համար. սակայն մենք չենք յապաղի տալ նոցա կարևոր արտօնութիւններ»: Խրիմի բոլոր քրիստոնեայ ազգաբնակութիւնները յունաց միտրոպոլիտի միջոցով դիմում են կոռավարութեան և բարեխօսում, որ Բարձրագոյն անունով խոստացած արտօնութիւնների համար կայսերական հրովարտակ տանպետական կնքով վաւերացած, որպէս զի ռամիկ ժողովրդի կասկածները փարատուեն, Բայց հայերը ընդունում են կառավարութեան հրաւերը, որովհետև այնշափ էին վախեցած տաճկական լծից, որ յոյս էին դնում քրիստոնեայ հզօր տէրութեան վրայ, դուրս գալիսւերկիւղ չկրելով գաղթելու դժուարութիւններից:

Խըմի խանը, ինչպէս և ամբողջ մահմեդական ժողովուրդը, երբ լսում են ռուսաց տէրութեան ալս նոր ձեռնարկութեան լուրը, սաստիկ վախենում են, որով հետեւ նախ զրկում էին իրանց գոյութեան ամուր նեցուկից, իրանց արդիւնքների աղբեկրից։ Այդ լուրը վերաստուգելու նպատակով Խանը դիմում է գեներալ-ալորուչիկ Ա. Վ. Սուվորովին, որից պատասխան է ստանում, թէ Կալսրուհին՝ մարդասիրական զգացմունքից և քրիստոնէական պարտքից դրդուած, բարեհաճել է դէպի իւր սահմանները գաղթեցնել քրիստոնեաներին, ազատելով նոցա «սպառնացող աղէտներից և իսպառ բընաջինջ լինելուց», և աւելացնում է, թէ «ինչ որ Զերաննաւորութեան է վերաբերում, տմեն բան ըստ կարելոյն կը պահպանուի և կը վարձատրուի»։ Ի հարկէ Խանը այդ պատասխանը ստանալուց յետոյ չհանգստացաւ, ինչպէս և մահմեդականները չհանգստացտն։ նոքա փորձեցին խնդիրք, նաև սպատգամաւորութիւն ուղարկել Պետերբուրգ։ որպէս զի քրիստոնեաներին կարողանան ըռնել իրանց սահմաններում, բայց բոլոր աշխատանքը ի զուր անցաւ։ Հայերը սկսեցին գաղթել։

Խրիմից հայերը սկսում են գաղթել 17:8 թ. լուլիսին Պետրոս վարդապետ Մարկոսեանի առաջնորդութեամբ և նոյն տարուալ օգոստոսին մտնում են Ռուսաստանի սահմանները։ Հենց սկզբից նոքա մեծ նեղութիւնների են պատահում. որչովի Եկատերինէ Ա-ը և էջ. Պատեօմկինի և Սուվորովի սկս նորա գործակիցներն էին հոգս քաշում հայերի վիճակի բարելաւութեան մասին, այնչափ քիչ էին գործում տեղական կառավարելները։ Ոչ ճանապարհին ուտելիքն էր բաւականութիւն տալիս նոցա, ոչ էլ հողեր ստացան ընակութեան համար։ Եկատերինոսուալ և Սամարա (ալֆմ Նովոմոսկովսկ) հայերը ստիպուած եղան կանգ առնել և ալստեղ, բացօթեալ, տռաջին անգամ նոքա ճանօթացան մինչև արդ ժամանակ իրանց չտեսած ձմեռուալ արհաւիրքների հետ, որ, տարաբաղդարար, այդ տարի շատ գաժան էր եղել։ Ասելը անգամ աւելորդ է, որ քաղցածութիւնից, հիւանդութիւններից և ցրտից շատերը կոտորուում են, դէս ու գէն են են փախչում, շտատերն էլ,

նոցա թւում և Պետրոս վարդապետը, նոյն թուականին մեւնում են: Գարնանամուտին նոքա վատահանում են գիմել Սուվորովին: «Խրիմից դուրս բերելու ժամանակ, — գրում են նոքա 1779 թ. ապրիլի 19 ին, — բացի յայտնի 1± կէտերից բարեհաճնեցիք խոստանալ մեզ, որ մեր թողած տների փոխարէն պատրաստները կը տան մեզ, կը տան և հող մեր ցանկութեամբ. կը տան ոռճիկ և ուտելիք: Սակայն գալուց յետոյ տուել են տեղեր, ուր ոչ ջուր կալ ոչ էլ բուսականութիւն, և ստիպում են իւրաքանչիւրիս, որ ստորագրենք, թէ մեզ տուած տեղերը յարմար են, բայց մենք այդ անել չենք կարող, որովհետեւ անպէտք են: Ակզբում ոռճիկ և ուտելիք ամենքին տալիս էին, իսկ ալժմ մի քանիսներին բոլորովին չեն տալիս. երկրագործ մարդկանց 120 վերստ մեզանից հեռացնում են... և ոչ միայն վարձտարութիւն չեն տալիս, այլ և վերջին ունեցածից զրկուել ենք աւազակների կողոսլուտների և ուրիշ նեղութիւնների պատճառով, և այնպիսի ծայրակեղաւթեան ենք հասել, որ առաջ մեր տեղում լաւ սնունդ ունեցողները ալժմ ողորմութիւն են հաւաքում, իսկ ուրիշները սովից՝ շատ քիչ փողի կամ հացի համար բոլորովին տալիս են իրանց երեխաները: ⁵⁾ Հայերի պատգամաւորները նոյն տարուայ յուլիսի 15 ին դիմեցին և իշ. Պատեօմկինին խնդրագրով և յայտնեցին, թէ «խընդրել են (նոքա), որ իրենց բնակեցնեն սր. Դմիտրի Ռոստովեանի ֆորշտատում և տյդ խնդիրը արժանացել է Զերդ պալծառափայլութեան հաւանութեանը, Բայց... Ազովեան նահանգի կառավարութեան նահանգապետի օգնական Գերսևանովը բոլոր հողագործներին ստիպում է բնակութիւն հաստատել Տերսա գետի մօտ և սմենաարսափելի կերպով հրամայում է, որ այնտեղ շինեն իրանց տները, իսկ երբ նոքա չէին ընդունում, կապանքների մէջ դնելով մի քանի օր բանեցնում էր: Բայց, դորանից, ամենքը՝ բնակութեան համար տներ չունենալով, շարունակ մնում են տափաստանի արեւ

⁵⁾ Дубровинъ Н. Присоединеніе Крыма къ Россіи, т. III. № 47.

և յաճախակի եկող անձրևների տակ և ծալրալեղ կարեք կրում, որովհետև նահանգապետական օգնականի հրամանով երեք ամսից աւելի է որ բնակարաններից դուրս ենք բերուած և այժմ բաց օդի մէջ ենք գտնուում, այն պէս որ այդ փոփոխութիւնների պատճառով քիչ մարդ չմեռաւ...⁶⁾ ուստի պատզամաւորները խնդրում էին «թողլ տալ, որ մեր հասարակութիւնը միայն սբ. Դըմիարիի բերդի ֆորշտատում և շրջակալքում բնակեցնեն»:

Հայերը միաժամանակ յայտնում են իրանց թշուառութիւնները և Յովսէփի արքեպիսկոպոսին, որ այդ ժամանակ Հաշտարխան էր: Լուրը ստանալուն պէս Յովսէփի արքեպիսկոպոսը ճանապարհ է ընկնում դէպի Պետերբուրգ բարեխօսութիւնների համար, և հետևանքը շատ լաւ է լինում. թեթևացնում են գաղթականների վիճակը, բնակութիւն հաստատելու համար տեղ են տալիս Դօն գետի մօտ, ուր Ռոստով քաղաքն է, տալիս են և արտօնութիւններ: 1780 թ. հայերը ըսկըսում են քաշուել դէպի իրանց ընծալած տեղը, իսկ հետևեալ թուականի ապրիլի 21-ին Յովսէփի արքեպիսկոպոսը հիմն է դնում Նոր-Նախիջևան քաղաքին: Նոյն 1780 թ. նա կազմակերպում է Հաշտարխանում հոգևոր ատեան դատարան (կոնսիստորիա), իսկ սեպտեմբերի 9-ին օծում է Մոսկուայի ս. Խաչ եկեղեցին. Պետերբուրգի եկեղեցին նա օծել էր մի փոքր առաջ նոյն տարուայ փետրուարի 18-ին:

Մոսկուայի եկեղեցին օծելուց յետոյ Յովսէփի արքեպիսկոպոսը կամենում էր Հաշտարխան վերադառնալ բայց իշ. Պատեօմկինը չէր թողնում, որովհետև այդ ժամանակ պատրաստութիւններ էին տեսնում երկրորդ տաճկական պատերազմի համար, և իշխանն ուզում էր, որ Յովսէփի արքեպիսկոպոսը հետը գնայ Խրիմ և ապա պատերազմի դաշտը, աչքի առաջ ունենալով նորա ազդեցութիւնը տաճկական գաւառներում բնակուող հայերի վերայ և նորա ծանօթութիւնը Արևելքի, տեղական բարքերի և լեզուների հետ: Ալդտեղ իշ. Պա-

⁶⁾ Նոյն:

տեօմկին յանձնաբարում է Յովսէվ տրքեպիսկոպոսին շրջել Մողագաւիալի, Վալաքիալի և Բուկովինալի այն քաղաքները, ուր հայեր կային և դարձեալ նորա յանձնաբարութեամբ՝ տաճկական քաղաքները նուաճելուն պէս հայերին գուրս էր բերում և բնակեցնում ՚իու բոստարի մօտերքը, ուր շուտով գոյացաւ մի քաղաք, որ յանուն սբ. Գրիգորի Լուսաւորչի կոչուեցաւ Գրիգորուազոլիս: Սլա անգամ էլ կառավարութիւնը ամեն տեսակ օգնութիւն է հասցնում հայերին. գանձարոնից նիւթական միջոցներ էին տուել մայր եկեղեցու, վանքի, երկու ծխական եկեղեցիների, առաջնորդարանի, կոնսիստորիայի շենութեան համար և սորտն կից մտադիր էին գիմնազիոն կոսուցանելու. գանձարանը նոյն պէս իւր վերայ է առնում մագիստրատի, վաճառականաց տան, բնակչաց տների, արհեստաւորաց խանութների, ջրանքի ծախքերը և այլն, և մինչև անգամ նպաստներ էր տուել, որ գաղթականները անհրաժեշտ կահկարստիքներ ու իրեղններ ձեռք բերեն: Բացի այդ բոլորից՝ 1793 թ. փետրուարի 13-ին Կայսրուհին հրամայում է, որ ապահովեն նոյա գոյութիւնը, «որպէս զի ոչ միայն տյն ամենքը, որ անցել են Մեր սահմանները, պահպանուած լինեն, ալլ և արտասահմանում գտնուող նոյա հաւատակիցները, տեսնելով սոցաբարեկեցիկ վիճակը, միանան սոցա հետ»:

Եկատերինէ 11 կայսրուհին ջերմ պաշտպան և հետևող էր Մեծն Պետրոսի մահմեդական իշխանութիւնը խորտակելու և նոցա ստրկացրած քրիստոնեայ տղգերին վերակենդանութիւն, տնկախ կեանք տալու գաղափարին: Ուուսները կամենում էին, որ ամենայն հայոց կաթողիկոսը դիմէ կառավարութեան և օգնութիւն խնդրէ: Սլա նպատակով կայսիածին ուղարկուեց Ղուկաս կաթողիկոսի մօտ բժիշկ Եակով Ուէլնէգուը, ⁷⁾ որ

⁷⁾ Բժ. Եակով Ուէլնէգուը ծնուել է 1744 թ. Ելուլինում, նորա իսկական աղքանունը Ելիս էր, որ, յայտնի չէ թէ ինչու, նա փոխել էր Ուէլնէգուի Սրբութաղուական հասակուս ուսումնասիրում է րնական գիտութիւնները և գլխաւորաբար բժշկականութիւնը, Արևելքում ճանապարհորդելու սէրը տոմիաց նորան թունել հայունիքը. 1776 թ. Վենետիկի փրայով գնաց կ. Պոլիս, ալցելեց Թուստ, Եղբարում և այն տեղից Նարսէ վրայով զնաց Պարսկաստան ս. էջմիածնի վանքը այցե-

Հետը ըծնաներ և նսմակ տարաւ իշտ. Պատեօմկինից, նոյնպէս նամակներ Յովսէփ աղքեալիսկոպոսից, Յովհաննէս Լազարեանից և Մանուչարեանից։ Այդ առաջին փորձը անկաջող եղաւ Ղուկաս կաթուղիկոսը բացէ ի բաց հրաժարաւում է որևէ առաջարկութիւն՝ անելուց, երկիւլ կը լովի, որ ս. Եջմիածինը աւելի սոսկալի աղետների կարող է ենթարկուել։ Այնուամենալիւ Եկատերինէ Ալ-ը լետ չը կանգնեց իւր մտադրութիւնից և ուռսաց զօրքերը Ա. Ս. Զուրովի առաջնորդութեամբ դիմեցին դէպի Պարսկաստան։ Զօրքերը Գանձակ էին հասել, և Սիմէօն կաթուղիկոսը սրտատրով սպասում էր, որ Եջմիածին կը գան, բայց անսպաս կաթուղիկոսը սրտատրով սպասում էր

իւր համար. պէտք է Ենթադրել, որ այդ 1778 թ. ամբանն է հղել, Պատրիարքական դահի վրատ արդ յամանակ սրբազնագոյն Սիմէօնն էր, և իւր ամարանոցումն էր, ուր և ներկայացրին բժ. Ընէնէդովին նորին Սրբութեան, որ ս. Պոյսի պատրիարքից յանձնարարուկան նամակ էր բերել Ընէնէդովի առանձիւ, նորան մի գրու Ընէն յատկացրել, որ զորդարուած էր Պոյրգերով և ամեն տեսակ անձրամշշաշ պիտուքներով ճոխ սարքուած ըստ արմենեան ոտվորութեան, Ընէնէդով զարմացած էր կաթողիկոսի վեհ, բարեսիրտա արուարին անքափի և զրահիչ վարուեցողութեան վրա Խնչպէս վկայում է Ընէնէդով, կաթողիկոսը վաւելում էր ընդհանուրի հրազնեցը, իւր արած ճանապարհորդութիւնների շնորհիւ շատ տեղեկաթիւններ էր ձեռք բերել և նոր հայուրդածները պիտունի են Եղել Խնչնէդովի համար և առ 9 օր էր մասցի և սաստիկ ցաւելով պիտի թողնէր ըմբեռս ամբողջ աշխարհին ալու ամենալաւ տեղու։ Խաշապատմ իւր կառարմ վրաց նրակ մաքաւորի հրաւէրը Թիֆլիսում մնաց մէկ ու կէս տարիի տրոյս թադաւորի թժիշկի Խնչուս են. թաղում ևն Խնչնէդով իւր անսապրոցները, նա սափուուծ է լինում հեռանալ Թիֆլիսից այն պատճառավ որոյնետե թազաւորը չէր կատարել իւր խոստումներու ։ Խա զնաց Պետերութիւր, տեղեկացրի ներկայացրեց իշ. Պատօնմիլինին Վրաստանի վիճակի մասին և ջերմ մասնակցութեան անք մէկ ու նակցութեան, որ Խոստատանը իւր հովանաւորութեան ներկաւացուցչի 1783 թ. նորա վրալ քաղաքական բնաւորութեան յանձնարարութիւն դրին Ղուկաս կաթողիկոսի մատ գնաւու Խանձնարարութիւնը վերջացնելոց լեռոյ նա Պետերութիւր վերադառնաւ Վայելու էր իշիւ, Պատեօմկինի վատահութիւնը, ուստի տաճկան պատեօմկազմի յամանակ իշխանու Սոյդարիա կանչեց նորան, ըստ Երեսիմին նա մօտ էր Յովուկի արքակիսկանախին, Լազարեանին և Մանուչարեանին Յովուկի արքակիսկողուար իւր լիշտակարանում առում է, թէ 1793 թ. հիւանդութեան ժամանակ նորան Խնչնէդովն է ըշկել Մեռաւ 1793 թ. ունենալով Անտենական խորդականի աստիճան, բայկական ինստիտուտի տեսչի և բժշկական խորդարանի մէջ։ Biographische Skizze des Russisch-Kaiseral. Collegien Raths Dr. Jacob Keineggs von I. D. Gerstenlerd. Got'a und St. Petersb urg. Bei Gerstenberd und Dittmar. 1797, էջ 333—835, 377—382, 387=389.

կերպով հանգամանքները փոխուեցին—մեռաւ Եկատերինէ կայսրուհին և զօրքը լետ կանչեցին։
 Կայսրուհու մահից լետոյ շաւառվ մեռնում է և
 Ղուկաս կաթուղիկոսը, ալն է՝ 1799 թ. գեկտեմբերի
 28-ի գիշերը։ Առաջ է գտիս նոր կաթուղիկոսի ընտ-
 ըութեան հարցը։ Ծեկնածուների ցանկում լինում են
 սկզբում երեք հոգի—կ. Պօլսի Դանիէլ պատրիարքը,
 Յովսէփ արքեպիսկոպոս Արդութեանը և Ստեփանոս Ե-
 պիսկոպոսը, բայց լետոյ Յովսէփի անունը հանում են
 ցուցակից, վախենալով այն հանգամանքից, որ նա մաս-
 նակցել է մահմեղականների դէմ եղած արշաւանքներին,
 իսկ լետոյ վերստին մտցնում են։ Յովսէփ արքեպիսկո-
 պոսը հաւատացած էր, որ ինքը պիտի կաթուղիկոս լի-
 նի, տեսնելով որ ուսւաց տէրութիւնը պաշտպան կը
 լինի իւր Ծեկնածութեան, եթէ պէտք լինի, և վրաց
 թագաւորն էլ համակրում է իւր Ծեկնածութեան։ Ալդ
 բովանդակութեամբ էլ նա գրագրութիւններ էր անում
 կ. Պօլսի պատրիարքի, վրաց Դէորգի թագաւորի, թագա-
 ժառանգ Դաւթի, Թիֆլիսի իւր ազգականների և այլոց
 հետ։ Նորան ս. Էջմիածնի միաբանութիւնը հրաւերում
 էր, բայց նա չէր կամենում գնալ, սպասելով որ Պօլսի
 հայ համայնքը ընդունի իւր ընտրութիւնը։ Մենք
 զսոյն կոչումն ոչ կամիմք լինել միայն ի թագաւորաց և
 ի կայսերաց, — գրում է Յովսէփ արքեպիսկոպոսը, — կամ
 լերևելի իշխանաց և ի մարդկանց, այլ նախ Աստուծոյ,
 և ապա ի բոլոր հասարակութենէ հալկազուն, քրիստո-
 սամէլ ժողովրդոց, որոց բազմութեան ձայն, ձայն Աս-
 տուծոյ հաւատալով կարացուց լանձն առնուլ լոժար
 ընդունելութեամբ։ Միևնուն միտքը նա կրկնում է իւր
 նամակում, որ գրուած է վետրուարի 23-ից։ «Ա, Եհա-
 գունից հրաման լետին համարեցի և համարիմ, զի մի
 բռնութիւն նովաւ մտցէ ի սուրբ աստիճանն, ալլ տեղի
 ետու ազգալին սովորութեանց, զի ազգն զիս և ես զազ-
 գըն ընդրկելոց եմք։ Ոչ կամիմք ինքնին կարևոր իշ-
 խանութեամբ նպաստաւորաց մերոց ելանել ի սուրբ
 գահդ, այլ կամամբն Աստուծոյ և համահաճութեամբ
 հասարակ զաւակաց սուրբ Մօրն մերոյ, զի բազմացի
 և վերակրկնեսցի սէր և խաղաղութիւն առ ամենեսին,

որովք և մեք կարասցուք զգենուլ զզօրութիւն ի բարձանց առ ի հավուել զհօտն Աստուծոյ և կրել զծանրութիւն լծոյս ախորիկա՝⁸⁾:

Երկար ժամանակ բէրաթ չէր ստացւում, և Յովսէփ արքեպիսկոպոսի ականջին լուրեր էին հասնում, թէ Կ. Պօլսի պատրիարքը աշխատում է, որ ինքը կաթուղիկոս լինի, այդ պատճառով Յովսէփը գրում է նորան, թէ ինքը և թէ Ռուսաստանում ու Վրաստանում բնակուող Հայերը ուրիշ ոչ մի կաթուղիկոս չեն ընդունիլ, ուստի թող միջոցներ գործ գնէ, որ ժողովրդի մէջ երկպառակութիւն չլինի: Ի՞ացի դորանից՝ 1800 թ. վետրուարի 28 ին նա թուղթ է գրում գաղտնի խորհրդական Ս. Լ., Լաշկարեօվին,⁹⁾ յայտնում կաթուղիկոսի մահը, երկու թեկնածուների ընտրութիւնը և խնդրում, որ եթէ Հարկաւոր կը համարի, զեկուցանէ ում որ պէտք է: Դորա հետևանքը այն է լինում, որ մարտի 16 ի. Պօլսի ռուսաց գեսպան Թամարան Բարձրագոյն հրովարտակ է ստանում հետևեալ բովանդա կութեամբ. «Հայ Շողովրդի պատրիարքական ընտրութիւնների առթիւ աշխատեցէք, որ Բ. Դուռը չմերժէ այս դէպքում հայ ժողովրդին տուած իրաւունքները. և այդ աստիճանի համար անարժան մարդու ընտրութեան առաջն առէք, որ կարող է հասնել այդ աստիճանին խարդախ ճանապարհով և փողի միջոցով, այդ աստիճանին, որ միայն հայերի ընդհանուր համաձայնութիւնից է կախուած»: Նոյն տարուալ ապրիլի 16-ից գեսպանը յայտնում է Լաշկարեօվին, թէ չնայելով որ ժողովուրդը համակրում է Յովսէփի արքեպիսկոպոսին, բայց հոգեռօրականութիւնը և աւագները վախենում են նորան ընտրել, երկիւղ կրելով, որ պատրիարքական գահը և հայ ժողովուրդը կարող է մեծ ճնշման և հալածանքի ենթարկուել պարսից կառավարութեան կողմէց, իսկ Բ. Դուռը չէ խառնուում այդ գործերին: Այս հանգամանքների շնորհիւ Կ. Պօլսի Դանիէլ պատրիար-

⁸⁾ Զեռագիր:

⁹⁾ Արտաքին դուժերի պետական յանձնաժողովի Ասիական դեպարտամէնտի անդամ էր և մեծ ազգեղութիւն ունէր առիական գործերի վրայ, այդ պատճառով նորան է դիմում արքեպիսկոպոսը:

քի կաթուղիկոս ընտրուիլը տպահով բան էր, և նա
արգէն պատրաստում էր ճանապարհ ընկնել դէպի ս.
Եջմիածին, երբ գործին միջամտեց Թամալա գեսալոնը:
16.28 մայիսի ամենահպատակօրէն ներկալացրած զեկու-
ցումից երևում է, որ նա հասկացնում է Ի. Դռտնը, որ
Պօլսի հայերը, լիովին ըմբռնում են Յովսէփ արքեպիս-
կոպոսի առաւելութիւնները, ուրիշ թեկնածուների հետ
համեմատելով, բայց երբէք չեն, համարձակուիլ նորան
ընտրել, վախենալով որ Դուռը կը նեղէ իրանց. մինչդեռ
Թագաւոր Կայսեր համար հաճելի կը լինի, եթէ հայերը
կաթողիկոս ընտրեն Յովսէփին, ամենաարժանաւորին,
ինչպէս խոստովանում են հայերը, և հայ եպիսկոպոսնե-
րից աւագագունին, որ բայց դորանից, անձամբ յայտնի
է Նորին Մեծութեան: Սուլթանը տուիս է իւր հուս-
նութիւնը և նոյն օրը հրամայում է Դանիէլին Տեսէդոս
կղզին աքսորել, իսկ Դաւթին, որ նոյնպէս հակառակ
էր Յովսէփի ընտրութեան, Լեմնոս կղզին՝ այն նորան
կով, որ Դանիէլի գնալուց յետոյ նորան փոխանորդ կը
նշանակէ Կ. Պօլսում: 1800 թ. յունիսի 16/28 ին Թա-
մարան ամենահպատակօրէն զեկուցանում է, որ Յովսէփ
արքեպիսկոպոսի ս. Եջմիածնի պատրիարք ընտրուիլը
այս օրերս կայացաւ յուրախութիւն համուն հայ ազգին,
որ նոխամեծարութիւնը նորան էր տուել սուրագրու-
թիւնների խոշոր մեծամասնութեամբ: Ստացւամ է սո-
վորական բէրաթը, որ Կ. Պօլսի նորընտիր պատրիարքը
յանձնում է Դաւթիթ եպիսկոպոսին ս. Եջմիածին տանե-
լու և դորանով ազատում է նորան սպառնացող աքսո-
րից: Ապա Պաւել I Բարձրագոյն հրովարտակ է հրա-
տարակում կաթողիկոսի հաստատութեան առթիւ, իսկ
յետոյ՝ նոյեմբեր ամսին, հրաման արձակում Կ. Պօլսի
Թամարա գեսալունին, որ կաթողիկոսի կողմից տաճկաց
մալրաքաղաք գնացող հոգեսորականներին հարկաւոր ե-
ղած դէպքերում օգնէ և պաշտպանէ: Յովսէփը Բարձ-
րագոյն հրովարտակը և սուլթանի բէրաթը ստանում է
Հաշտարիսանում նոյեմբերի 18-ին և շուտով մեկնում է
այն տեղից: Յետոյ գալիս է նորա Թիֆլիս հասնելու,
հիւանդանարու և մեռնելու պատմութիւնը, որ ես ա-
ւելորդ եմ համարում կրկնել: Ահա հրմառօտ կերպով

պ. Կ. Եզեանի գրքի գլխաւոր կէտերի բովանդակութիւնը, որ ես քաղուածօրէն առաջ բերի:

Ես կը կամենայի ամփոփել այս թռուցիկ տեսութիւնը նոյն խօսքերով, որով ինքը հեղինակն է վերջացնում. «Այսպէս՝ Մեծն Պետրոսի ժամանակ Ռուսաստանի և Հայ ժողովրդեան մէջ գոյացած կապը և վստահութիւնը լիովին գիտակցաբար ամրացաւ Եկատերինէի իմաստալի կառավարութեան օրով. Ռուսաստանի ամեն կողմի հայերի ինքնագոհ անձնուիրութիւնն ու մատուցած ծոռալութիւնները, որոնք վտելսացուած են գահի բարձրութիւնից բազմաթիւ հրօվարտակներով յանուն հայ ժողովրդի և նորա հովուապետների, այս յարաբերութեանց ընտական հետևանքն էին: Պահպանել այս զգացմունքները, նպաստել նոցա զարգանուուն իւրաքանչիւր քաղաքացու սրբազն պարտականութիւնը պիտի համարուի, որ իւր հայրենիքի բարիքն է փափագում, մանաւանդ իշխանսւթիւն ունեցող անձանց. վատ ծառալութիւն են անում նոքա, որոնք թուլացնում են ալդ բարոյսկոն կապերը և փոխադարձ անվստահութիւն են արծարծում այնտեղ, ուր դորա համար պատմական հող չկայ: Անցեալի հետ ծանօթանալը հեռացնում է տարածալութիւնների զարքառիթները և փոխադարձ յարգոնքի ու համակրանքի բարի զգացմունքներ է ներշնչում: Մեզ երջանիկ կը համարենք, եթէ մեր հետազոտութիւնը այդ կողմից, որքան և իցէ օգուտ բերէ»:

Մ. ԲԱՐՅՈՒՔԻ ԾԵՎԱՆ.

Ո. Յ. ՊԵՐՊԵՐԵԱՆ. ԳԱՍՏԻԱՐԱԿԻ ՄԸ ԽՕՍՔԵՐԸ.

Վիեննա, 1901. գի՞նն է 3 ֆրանկ. էջ 8+224:

Այս ամենաընտիր թղթի վրայ տպուած և գեղադիտական ոչ մի թերութիւն չունեցող հրատարակութեամբ լուսաւուած դիրքը պարունակում է Տաճկահարոց մանկավարժական և զրականական ասպարիզում գործող լաւտնի, Ռեթէոս Պէրպէրեանի զանազան դէպքերում արտասանած ճառերը, Ռեթէոս Պէրպէրեանը հիմնադիրն ու տէրն է Կոստանդնուպոլսի մեծ անուն վաստակած Պէրպէրեան միջնակարդ դպրոցի, որի